

מכתב אל עלי הכהן הפרנס נאמן בית דין (בן חיים המסחה), פסטאס
בכתב ידו של נתן הכהן בן מבורך וחתום ע"י אברהם בן חלפון בן נחום נ"נ

מקהלת העקלון

18 J 2, f. 3

1 בשם רחם

2 וצל כתאב כג"ק מרנא ורבנא עלי הכהן הפרנס נאמן בית דין אטאל אללה בקא וואאם
ת (אידה ונ) אקעמא וחרס

3 חובאה וכבת באלדל חסדתה ועדאה עלי שוקא (!) מני אליה ותסלעא לורודה פסרני ואבהגני
מא אשתמל עליה

4 מן שמול אלסלאמה וסבורג אלנעמה ענדה ושכרת אלמנעם עלי דלך כתירא ולם ידכר שיא
מן שוקא אלא וענדי

5 מא יצאהיה ויזיד ענה ואלי אלבארי סובחאנה ארגב אן יסהל מראם אלאגתמאע עלי אסעד
חאל וארכא באל

6 בגודה ומודה וכן יהי רצון ואמא מא אגראה פי מעני מן אברהם החזן שז וקולה עני
כנת שכרתה

7 במצר פמא כאן שכרי לה וסכרתי ענה אלא מע מא אנה יעלם אן מא מן נובה אסאיה
פעלהא מעי סעד

8 אלא ובאן הו מסאעדה עליהא אלא אנני בעלם אללה קצדת לה אלכיר וצלאת אלחאל ווצלת
אלי עסקלאן ונפסי קויה

9 אן אלגמאעה מחבין לה ומותרין למא כנת ראיתה בידה מן שהאדאתהם פוגדת ענדהם בצד
דלך למא אתזח

10 להם ענה בעד מסירה מא לא יחסן שרתה חתי אן כל מן עלם נובתה מנהם יחרג עלי נפסה
אן רציה מקדם

11 מע מא אן דלך לס יתבת בתגה וכנת כל וקת אתלספהם ואקול אנה אצלח מן אלגיר
וליס פייכם למקדם סואה ((לא חסר))

12 וחרצת אן לא ינפדו פיה כתאב פלם יקבלו מני דלך חתי וצל כתאבה מן מצר אלי אהלה
יקול פיה לא

13 תחפלו במן וצל מן ענד סידנא הנשיא יהי שמו לעולם ולא תלתפתו אלי מא יקולונה
פמא כרגו מן חצרתה

14 אלא הארביין ואנא וסעד ואצלין בכל מא יסרנא פקלת ללגמאעה לו כנא הארביין מא
וצל עלי אידינא כתאב

15 הודת הנשיאות תשמר לעד וחסד לך אן אסעאד אלגמאעה עלי מלתמסהם
פיה לאני דאפעת

16 פי אלאול מע כונהם מצרין עלי כראהית (ה)ם למא כאן גרי ביני ובינה פי אלצנאעה
מעמא אנה למ יאכד

17 ידי אלא עלי מראעאה אלחזן אבי אלפרג שז ובעלם אללה אן כנת קצדת לה צרר יומא
קס ומא סבב כראהיה

18 אלגמאעה לה אלא מא חקאה ענה טאהר בן כלף מע מא אן פי אלגמאעה אקואם יכרהו למא
תקדם מן

19 פעלה מע סעד בן מנצור כי נובא (!) הו יערפהא וענד וצול כתאב מולאי אלפרנס אדאם
אללה תאיידה

20 בדלת גהדי וחרצת כל אחרץ אן יתדבר לה חאל פלם אסמע אלא מן יקסם ויקול אן הדא
אלרגל אן אלזמנא בה

21 לזמנא ביותנא ובאללה אלעטים פקד צעב עלי וקסע קלבי חית למ ינפעל מא רסמה
מולאי אלפרנס

22 שז מן תדביר חאל אלמדכור לאכנני מא אמלך קלוב אלנאס והו כבת אללה אעדאה אולא
מן בסט

